

## He Ngohe Aromatawai ā-Roto Mō ngā mahi whakamahere anake

**Te Ingoa o te Ngohe:** He Inenga Reo Māori

**Aronga:** Pāngarau 1.2A

**Paerewa Paetae:** Pāngarau 1.2

**Kaupae:** 1

**Whiwhinga:** 5

### He Tohutohu mā te Ākonga

#### I tēnei ngohe

I tēnei ngohe aromatawai, ko tāu mahi he whakatutuki tūhuratanga tauanga e hāngai ana ki tētahi ripanga raraunga matarua. He raraunga ēnei e pā ana ki te reo Māori, ā, ka hoatu ā-pepa, ā-matihiko rānei ki a koe.

#### Te horopaki

I tēnei ngohe aromatawai, ko tāu mahi he whakatutuki tūhuratanga tauanga e hāngai ana ki tētahi ripanga raraunga matarua. He raraunga ēnei e pā ana ki te reo Māori, ā, ka hoatu ā-pepa, ā-matihiko rānei ki a koe.

Tuatahi, ka whakatakotoria ētahi pātai whakatairiterite. Tuarua, ka whakamahi koe i tētahi o aua pātai hei tūhura rapanga māu. Kātahi ka tātari, ā, ka whakautu hoki koe i taua pātai.

Mā te kounga o tō matapakitanga me ō whakamāramatanga e whakatauria ai tō māka whānui. Whakaaturia mai ō tātaitanga katoa. Whakamahia mai ngā kīanga pāngarau e tika ana.

#### Hei mahi

E toru ngā wā mahi i tēnei ngohe. Ka mahi takirua kōrua ko tētahi atu ākonga i te wā mahi tuatahi me te wā mahi tuarua. Ā, ka mahi takitahi koe i te wā mahi tuatoru. Mā te kaiako ngā raraunga hei tuku ki a koe.

#### Wā Mahi 1

Ko tā kōrua mahi ko tō hoa:

1. He whiriwhiri whakaaro ki tētahi o ngā inenga reo Māori hei tūhuratanga raraunga matarua. I tēnei momo tūhuratanga kia toru neke atu rānei ngā taurangi, ā, ka tūhuratia te pānga o tētahi o ngā taurangi ki tētahi. Hei tauira, ko te hāngai o te pakeke o te tangata, ki te iwi me te kaha ki te kōrero Māori.

2. He whakatakoto i te pātai hei tūhura. Mā te kaiako rānei e hoatu te horopaki me te pātai ki a kōrua.
3. He whakamahere i te tūhuratanga.

Hei āwhina:

<b>He paearu mō te tuhi pātai whakatairite pai</b>
Kei te whakatairite rōpū/tau, ā, ka whakamahi i ngā kupu pēnei: <i>He aha te rerekētanga o...i...?</i>
Ka mārama ki te taurangi hei tūhura.
Ko wai mā te rōpū/hapori?
Ka taea te whakautu te pātai?
Ka taea te tātari te katoa o te rōpū/raraunga?
Ka whaitake te pātai?

Kei [<http://www.censusatschool.org.nz>](<http://www.censusatschool.org.nz/>) te raraunga mō tēnei aromatawai.

## Wā Mahi 2

Ka mahi takirua tonu kōrua ko tō hoa ki te kohikohi i ngā raraunga e hiahiatia ana hei whakatutuki i te tūhuratanga. E tika ana kia puritia e tēnā, e tēnā o kōrua tētahi kape o te mahere, me ngā raraunga anō hoki ka kohikohia e kōrua.

I te wā mahi tuatahi, tuarua hoki, ka tirohia ā kōrua mahi e tō kōrua kaiako.

## Wā Mahi 3

Ka mahi koe i tōu kotahi ki te tātari i ngā raraunga, ki te whakaputa kōrero mō te pātai i tūhuratia. Arā:

1. Ka tuhia kia rua (neke atu rānei) ngā kōrero, hei whakaatu i ngā āhuatanga o te tuari raraunga.
2. Ka tuhia he kōrero hei whakarāpopoto i ngā kitenga ka hua ake i te tūhuratanga.
3. Hoatu ki tō kaiako te mahere i oti i a kōrua ko tō hoa i te wā mahi tuatahi, ngā raraunga i kohikohia i te wā mahi tuarua, me ngā tuhinga kōrero i oti i a koe i te wā mahi tuatoru.

## Ngā mahi hei tāpae

Ngā tuhinga kōrero i oti i a koe hei whakatutuki i tō tūhuratanga.

He ngohe aromatawai ā-roto XXXXXX v1 mō te Paerewa Paetae XXXX  
TĀ TE ĀKONGA WHĀRANGI